



Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. III. An post publicationem attestationum ijdem testes, vel alij super ijadem articulis, vel contrariis produci, & recipi possint, vel non.

[urn:nbn:de:hbz:466:1-61641](#)

& successor in judicio idem quasi Index cum priore censetur) & omnibus profunt, quibus prodesse potest res judicata. Neque tamen receptae attestationes inter partes principaliter litigantes ad petitionem tertii intervenientis in judicio publicari debent, etiam si illius aliquo modo intersit (ne videatur præjudicium aliquid partibus principaliter litigantibus inferi) quamvis si iuri suo velint partes cedere, publicatio fieri possit, prout collegi potest ex c. *Constitutus* 30. b. t.

§. II.

An attestationes receptae per Arbitrum & publicata fidem faciant, ac probent coram judice ordinario, vel delegato?

R Esp. Probare, & fidem facere coram Arbitris receptas attestationes, sicuti & alia acta Iudicij instructoria causa, sive quæ respiciunt factum, & merita causa etiam coram Iudice ordinario aut delegato, si testes mortui sint, vel si vivant adhuc, in optione partis litigantis est, contra quam testes producuntur, an attestationibus habitis acquiescere velit, an malit de novo audiri testes, prout deciditur in c. *Praesentata* 30. b. t. Quamvis enim acta coram arbitris stricto iure non debeant valere ut acta judicialia, cum arbitri tales nullam iurisdictionem habeant, quia tamen arbitria ad instar judiciorum redacta sunt 4.1 ff. *Derecep. arbit.* manet etiam ex sequitate sua talibus attestationibus probatio, praesertim cum mortuis testibus, si eorum attestationes nihil probarent, petite sepius posset probandi facultas, & jus alterius periclitari. Hæc tamen in-

telligi non debent de actis ordinatoris litis sive judicij, quæ pendent ab instantia judicij, consequenter hæc expirante, debent illa repeti, nisi partes renuntiare possint, & velint.

§. III.

An post publicationem attestationum ijdem testes, vel alii super iisdem articulis, vel contrariis produci, & recipi possint, vel non?

A Rticuli, qui parti proponenti probandi regulariter sunt, alii dicuntur antiqui, alii dicuntur novi, alii dependentes ab antiquis; antiqui dicuntur, qui jam ante propositi fuerunt in libello super quibus, si testes legitimè jam producuntur, & recepti fuerunt, ac attestationes publicatae, jam non amplius aut alii admittuntur, ut ex dictis patet. Novi sunt, qui non sunt propositi, & ad causam motam sunt impertinentes, neque juvent intentionem Actoris, aut Rei, qui articuli omnino rejiciuntur à Iudice, neque super illis testes admittuntur ad probandum frustra, quod probatum nihil facit ad causam motam. Dependentes denique articuli ab antiquis sunt, & dicuntur illi, qui propositi ac probati adjuvant causam seu intentionem litigantis; qui facti quidem necessitate sub prioribus continentur, non tamen receperint probationis, prout habetur in c. *Cum Ioannes* 10. *De fid. instrum.* super quibus articulis nova probatio admittitur, nisi articulus talis virtualiter etiam quoad probationem contineretur in antiquis, ut sic enim antiquis censeretur, & nulla nova illis probatio post publicatas legitimè attestationes admitteretur.

Ss 3

Inter

Inter contrarios vero articulos ea est differentia, ut alii dicantur directe contrarii, alii indirecte: directe contrarii dicuntur, qui directe adversantur articulo a producente per testes probato, & super his probatorii testes post legitimè publicatas attestations non admittuntur, ob periculum fraudulentæ alicujus subornationis. Indirecte contrarii dicuntur, qui testimoniū depositioni ad certas circumstantias articulum litigantis restringenti adversantur, & sic indirecte etiam articulo per testes tales probato: super quibus admittuntur testes reprobatorii etiam post publicationem attestations, prout sumitur ex c. Ex tenore. 35. b. t. Cum per hanc restitutio illa primum innotescat. Vide plura de his apud Auctorem Meth. hoc & sequenti §. in quo queritur: Quando, & in quibus casibus etiam post publicatas attestations illudem, vel alii testes super illudem, vel directe contrariis articulis denuo produci, & recipi possint?

S E C T I O VI.

De exceptione contra testes,
& eorum reprobatione.

§. I.

Quomodo, & quando excipendum sit contra testes?

Contra testes possunt triplicis generis exceptiones opponi. Primo contra personas testimoniū, quod vel omnino, vel ratione cause ad testimonium dicendum sint inhabiles, ut supra dictum. Secundo, contra examen testimoniū, quod

non sit legitimè factum, vel ex defecta jurisdictione ab incompetentis iudicis, vel quod producti, & recepti fuerint testes ante item contestatam; quod in malis fuerint parte non citata; quod post tertium productionem recepti fuerint sine solemnitate legali; quod recipuerint post percepta testificata; quod recepti fuerint post conclusionem causa, aut post renuntiationem ultreia productionis; quod recepti sint non regi, simul ac non seorsim & secreti, de quibus omnibus jam actum in superioribus h. t. Tertio potest contra ipsa testimoniū dicta, & depositiones, si quidem varijs modis, prout iterum dicitur patet.

Quando autem excipendum sit, si queratur? Respondetur primo, cum personas testimoniū opponi debent reguliter exceptions, priusquam eorum in attestations sunt publicatae (ne videantur ex odio magis factarum attestations reprobari) ita tamen, ut à communione generali tres causas excipiatur c. Praesentem §. b. t. Primo scilicet si, excipiens post publicationem attestations juret, quod malitiosè non agat excipiendo. Secundo si citatus adversarius ad videndum teste contra se productos cum protestatione sibi relevavit facultatem excipiendi contra eorum personas. Tertio, si probaverit (saltet per juramentum proprium) quod ea, quæ opponere vult contra testes, post publicatas attestations primum didicerit. Quæ tamen omnia intelligi debent de testibus non absolute, sed simpliciter inhabilibus, contra quæ semper, etiam post publicatas attestations excipi potest, sed de testibus lectorum.